

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCLXV.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

von Christus Geburthe Viertzehn Hundert funff und zwanzig Jahr,
an dem Montag nach dem Sonntag Lætare Halbfasten &c.



CCCLXV.

SIGISMUNDUS IMP. CONFERT BERNHARDO
MARCHIONI BADENSI BANNUM FERINUM
IN BRISGOVIA.

ANNO MCCCCXXV.

Ex Tabulario Badensi.

Wir SIGMUND von Gottes Gnaden, Römischer König, zu allen
Zeiten Mehrer des Reichs vnd zu Ungarn, zu Böhheim, Dalma-
tien, Croatien &c. König, bekennen vnd tun kundt offenbar mit diesem Brief
allen den die ihn sehent und hörent lesen, daß Wir von getrewer merklicher
Dienst wegen, die Vns vnd dem Reiche der Hochgeborn Bernhard, Marg-
grav zu Baden, Vnser lieber Ohheim vnd Fürste, oft williglich getan hat, tägli-
chen tut vnd für besser in künftigen Zeiten tun soll vnd mag, demselben Bern-
harden, seinen erben vnd Nachkommen, die die Herrschafft Hochberg vnd
Isenberg innhaben vnd besitzen werden, von Vnsern sonderlichen Gnaden ge-
geben, verschriben vnd verschafft haben, geben, verschriben vnd verschaffen
nach Rate viel vnser vnd des Reichs getrewen mit wolbedachtem Mute, rech-
ter Wißend vnd Römischer Königlicher Machte, in Krafft diß Briefs für
vns vnd alle vnser Nachkommen, also daß derselb Bernhard vnd die abge-

nante seine erben vnd Nachkommen solche Wildpenne im Preißgau am Rheine gelegen, ob Breisach vnd Wendig Breisach vnd darneben, umb vnd umb vnd in allen Awen dazwischen, wie die genannt sint, da bißher die von Brisach inn gepflogen hant, zu jag vnd gerulich innhaben, bejagen, beschutzen vnd behuten sollen oder dem sie das me pselend vnd sonst Niemand anders vnd gebieten darumb allen Vnsern vnd des Reichs Vndertanen vnd getrewen vnd mit Namen den von Friburg, Brisach vnd Endingen Ernstlich vnd vesflich mit diesem Brief, daß Sie den vorgeannten Bernhard Marggraven zu Baden, sine vorgeschriben erben vnd Nachkommen bey den obgenannten Wildpennen vnd Gejüde gerulich, vngehindert vnd vngeleidiget bliben lassen sollen, als lieb Ihnen seye vnser vnd des Richs schwehre vngnade zu vermeyden, dann, wer der wäre, der wider diß vnser Königliche Gemechde vnd Verschreibung tede oder in den vorgeannten Wildpennen jagde, der soll allemal, als dick er darwider tude oder dainn jagde, zwäntig Mark lötligs Golds verfallen sin, halb in vnser vnd des Richs Kammern vnd die ander halben dem obgenannten Marggrav Bernharden vnd den obgenanten sinen erben vnd Nachkommen. Mit Urkund diß Briefs versigelt mit vnser Königlichen Majestät anhangenden Innsiegel. Geben zu Winne, vf Frytag nach Sanct Paulustag Conversionis in den Jar, da man zalt von Cristi Geburt tusend vierhandert vnd fünf vnd zwenzig Jahre. Vnsers Richs des Vngarischen in dem acht vnd dreißigsten, des Römischen in dem fünfzehenden vnd des Beheimischen in dem fünften Jahren.